

## O Igadi e Casa Asia crean o Observatorio de Políticas Chinas

Escrito por

Sábado, 23 Outubro 2004 23:29

---

Casa Asia, o consorcio creado polo Ministerio de Asuntos Exteriores e Cooperación para estruturar as relacións de España con Asia, ven de asinar un convenio co IGADI, con sede en Baiona, en virtude do cal institúe a este coma o seu centro referencial en Galicia.

Casa Asia, que conta entre os membros do seu Consello Asesor ao director do IGADI, Xulio Ríos, cofinanciará o IV Curso de Información e Relacións Internacionais, que se celebrará no próximo mes de abril en Santiago co apoio das Facultades de Ciencias Políticas e de Xornalismo, reunindo a reputados sinólogos e expertos internacionais da evolución chinesa.

Así mesmo, en virtude deste Convenio de Colaboración, o IGADI pasará a coordinar o Observatorio de Políticas Chinas, un instrumento creado co apoio de Casa Asia para reunir a un selecto grupo de especialistas españois nesta materia e efectuar un seguemento puntual e exhaustivo da reforma chinesa neste eido con tres ámbitos principais de estudio: democratización, estado de dereito e dereitos humanos.

Mais información [igadi@igadi.org](mailto:igadi@igadi.org)